

463 pelajar baru daftar masuk UPMET

SERDANG: Seramai 463 pelajar baru kemasukan Semester Pertama 2012/2013 dari seluruh negara mendaftar bagi Program Pendidikan Jarak Jauh (PJJ) Universiti Putra Malaysia Education and Training Sdn Bhd (UPMET), semalam.

Bagi sesi baru ini, UPMET

adalah satu anak syarikat UPM Holdings menawarkan tempat bagi 13 program dalam Diploma, Ijazah Sarjana Muda dan Ijazah di seluruh negara.

Majlis itu dihadiri Pengerusi Lembaga Pengarah UPMET, Tan Sri Dr Nik Mustapha R Abdullah dan Ketua

Pegawai Eksekutif UPMET, Dr Abdul Aziz Saharee.

Bagi pasangan suami isteri, Alia Fatma Bostanoordin, 28, dan Mohd Zikri Mohamad Zabhi, 29, melanjutkan pengajian dalam ijazah Pengajaran Bahasa Melayu sebagai Bahasa Pertama, di universiti berkenaan bukan

satu halangan bagi mereka walaupun mempunyai dua anak kecil.

Menurut Alia, guru Bahasa Malaysia di Sekolah Menengah Kebangsaan (SMK) Perempuan Jalan Ipoh, dia bersama suami sudah lama menyimpan hasrat untuk menyambung pengajian mere-

ka hingga tamat ijazah sarjana.

“Bagaimanapun, saya dan suami yang juga guru Bahasa Malaysia di SMK Lelaki Methodist terpaksa menanggung cita-cita itu kerana menghadapi beberapa kekangan selain baru berkerja,” katanya.